



SEHA

Magazin SEHA lige

Broj:5 □ Godina:1 □ 15.8.2011.

South East Handball Association

EKSKLUZIVNO



Kenan Magoda, direktor RK Bosna o situaciji u klubu: Ostanak Irfana Smajlagića nikada nije bio upitan, Smajlagić je veliki trener i sa velikim klubom kao što je RK Bosna će napraviti zapažene rezultate.

TRANSFERI



Sutjeska dovela Marka Rajkovića

INTERVJU



Senjamin Burig: Sigurno je da će utakmice Regionalne lige privući dosta gledatelja



Kenan Magoda za naš magazin govori o situaciji u RK Bosna



Početak mjeseca došlo je do problema u RK Bosna. Naime, uprava kluba nije obezbijedila igračima pripreme. Povodom toga za naš magazin o situaciji u sarajevskom klubu, govori direktor Kenan Magoda

SEHA: Većina medija ne piše ništa o situaciju u RK Bosna. Možete li nam reći šta se dešava u klubu? Da li je istina da igrači neće imati pripreme?

-Naime, ekipa je prije 2 dana oputovala u Kranjsku Goru gdje će boraviti do turnira u Velenju. Nakon pomenutog turnira vратиće se u Kranjsku Goru ili u Poreč gdje će biti četiri - pet dana, a nakon toga oputovaće u Novi Sad gdje će također učestvovati na turniru.



SEHA: Andrea Bašić, ovogodišnje pojačanje kluba je veoma brzo napustio Sarajevo i vratio se u Pulu. Da li postoji mogućnost da ipak potpiše za Bosnu?

-Andrea Bašić, bi se trebao priključiti ekipi u Kranjskoj Gori, gdje bi trebao i završiti ugovor sa RK Bosna.

SEHA: Ostaje li Irfan Smajlagić na klupi Bosne?

-Ostanak Irfana Smajlagića nikad nije niti će biti upitan, Smajlagić je veliki trener i sa velikim klubom kao što je RK Bosna će napraviti zapažene rezultate.

SEHA: Zbog čega je Petar Kapisoda napustio klub?

-Petar je Sarajevo napustio zbog privatnih razloga, ali definitivno nije ga napustio zbog nezadovoljstva u klubu čak naprotiv. A takođe konkretan odgovor bi njega trebali pitati.

SEHA: Koje su ambicije vašeg kluba u Regionalnoj ligi?

-Ambicije Kluba kao što je RK Bosna (apsolutni šampion BiH, učesnik grupne faze LP) su uvijek velike, sigurno u SEHA ligi nećemo igrati nezapaženu ulogu, a da o prvenstvu BiH i ne pričam. Uostalom i Final Four SEHA lige je u

Sarajevu.

SEHA: Da li će Bosna pored ove teške situacije

uspjeti da se bori na 4 fronta (PL BiH, Kup BiH, LP i SEHA liga)?

-Stvarno situaciju u klubu ne bi nazvao teškom sve dok su u klubu ljudi poput Purivatre, Salmana i Pilava (čak sto više situacija u klubu nikad nije bila bolja, podatak da su svi igrači i stručni stožer isplaćeni u sezoni 2010/2011, je podatak kojim se ne mogu pohvaliti mnogi/ niko klubovi u Regionu). Ekipa je ostala skoro u punom sastavu od razlike iz prošle sezone: otišli Pucelj/dolazi Bašić, dobili pojačanje na desnom beku G. Gorenac, lijevi bek reprezentativac Halilbegović, golman Martinović sa internacionalnim iskustvom su sigurno imena koja su gladna uspjeha makoliko god frontova bilo.

*Intervju uradio:
E. Bajrović*

Kosanović i Pavić u crveno-belom dresu

RK Crvena Zvezda dovela je 11. i 12. pojačanje u ovom prelaznom roku. Riječ je o Milanu Kosanoviću i Slobodanu Paviću. Beograđani su do sada doveli 12 igrača. Sa pojačanim timom biće jedni od favorita u Regionalnoj ligi. Nove akvizicije Zvezde su Milan Kosanović i Slobodan Pavić. Milan Kosanović je golman. Došao je u Crvenu zvezdu iz ORK Niša, a branio je između ostalog i za Vardar, njemački Balingen i španski Kangas. Podsjetimo, crveno-beli su ove sezone doveli još jednog golmana. To je slovenac, Jure Jeraj.



Slobodan Pavić igra na poziciji desnog krila. Došao je iz Smedereva. Kadetski je i juniorski reprezentativac Srbije.

Ugovor sa Pavićem bi trebao biti potpisan na 3 godine. Ovim pojačanjima Zvezda daje do znanja da neće biti lako igrati protiv nje u Regionalnoj ligi.

Rajković pojačao Sutjesku



Da su u Rukometnom klubu Sutjeska riješili da naprave kvalitetan i konkurentan tim za Regionalnu ligu, kao i tim koji će u domaćem šampionatu jurišati na titulu, najbolje potvrđuje imenovanje Zorana Kastratovića za šefa stručnog štaba. Selektor "crvenih" pokušaće sa Nikšićanima da napravi ono što je sa Beranama prije tri godine, ali su mu za velike ambicije neophodni i kvalitetni igrači. Za sada Sutjesku su pojačali povratnici Ivan Čolaković i Radivoje Dođić, a ekipi se priključio i golman crnogorske reprezentacije, Marko Rajković, koji je prošle sezone branio gol Budvanske rivijere, a prethodno Budućnosti i Berana.

Drago mi je što sam došao u dobar i ambiciozan klub, sa kojim ću, nadam se, imati uspjeha kao i sa prethodnim. Očekuje nas dosta naporna sezona, nastupaćemo u Kupu EHF, domaćem prvenstvu i Regionalnoj ligi, koja će biti veoma jaka i izazovna - rekao je Rajković.



Marko Rajković

Predstavljamo klubove Regionalne lige u sezoni 2011/12: RK Lovćen Cetinje



Rukometni klub Lovćen osnovan je početkom 1949. godine na Cetinju. Tada rođena ljubav prema rukometu sačuvana je do današnjih dana, a rukomet je već decenijama sport broj jedan u crnogorskoj prijestonici. Tokom svoje duge istorije RK Lovćen ostvario je brojne vrijedne rezultate čime je potvrdio primat u crnogorskom rukometu i profilisao se kao jedan od najuspješnijih muških rukometnih klubova u regionu. U sezoni 1999./2000. klub je osvojio titulu šampiona Jugoslavije, po prvi put u svojoj dugoj istoriji, a naredne sezone (2000./2001.) i duplu krunu, kao i peto mjesto u evropskoj Ligi šampiona. U godinama koje slijede klub postaje redovan učesnik evropskih takmičenja: Liga šampiona, EHF kup i Kup gradova.



Najveći uspjesi:
 Šampioni SRJ/SCG(2)
 Šampioni CG(1)
 Osvajači Kupa(2)

*Prijateljski dvomeči**NEXE-BORAC 1:1*

RK Nexe i RK Borac u petak i subotu su u Našicama odigrali dva pripremna meča. U prvom su slavili gosti sa 4 gola razlike, dok je Nexe u drugom pobijedilo sa čak 11 golova razlike.



*DVORANA KRALJA
TOMISLAVA, NAŠICE:*

- 1. MEČ: Nexe 27:31 Borac*
2. MEČ: Nexe 33:22 Borac





Lovćenu pobjeda i remi protiv Pelistera



Rukometaši Lovćena su u četvrtak i petak odigrali dvije pripremne utakmice sa Pelisterom. Cetinjani su u prvoj utakmici slavili sa 22:19, dok je u drugoj bilo neriješeno(18:18).

Partizan savladao nižerazredni RK Goč

RK Partizan u sklopu priprema u Vrnjačkoj Banji, odigrao je pripremnu utakmicu sa lokalnom ekipom RK Goč. Crno-beli su slavili rezultatom 50:19.



Metalurg bolji od Vojvodine

RK Metalurg je u prijateljskom meču savladao ekipu novosadske Vojvodine, rezultatom 27:21. Novi golman tima iz Skoplja, Darko Stanić, upisao je 12 intervencija.



Sutjeska oba puta poražena od Pelistera

Nikšićka Sutjeska je poražena od Pelistera u oba pripremna meča. U prvom je rezultat bio 18:24, a u drugom 23:33.



SLIKA SEDMICE



Plus sedmice: Rukometaši sarajevske Bosne ipak otišli na pripreme u Kranjsku Goru.

Veselin Vujović



DUEL

64 - 25

Lino Červar



Ovako su glasali čitaoci naše stranice na facebook-u.

*Senjamin Burić, pivot Izviđača:
"Izviđač ima uvijek visoke ciljeve!"*



Pred novi broj našeg magazina obavili smo intervju sa pivotom Izviđača, Senjaminom Burićem. Burić je rođen 1990. u Doboju. Karijeru je započeo u RK Maglaj. Igra i za reprezentaciju BiH.



SEHA: Da li je napravljen dobar potez formiranjem Regionalne lige?

-Naravno, mišljenja sam da je liga trebala krenuti i ranije a' l ovo je pravi potez posebno za mlade igrače kojim treba iskustva i jakih utakmica kojih neće izostati.

SEHA: Kakve su ambicije vašeg kluba u SEHA ligi?

-Izviđač ima uvijek visoke ciljeve, mi smo mlada ekipa koja je željna dokazivanja i to ćemo pokazati kroz utakmice ove lige.

SEHA: Da li bi bilo dobro kada bi se Ligi priključili slovenački timovi?

-Priključivanjem slovenačkih ekipa Liga bi dobila na jačini što je sigurno. Ne mora se ni objašnjavati snaga Celja, Gorenja i Cimos.



SEHA: Koja ekipa je po vama najveći favorit za osvajanje Lige?

-Pored Zagreba koji je glavni favorit dosta su se pojačali makedonski klubovi Vardar i Metalurg pa će konkurencija za osvajanje biti dosta žestoka. Nijedan klub nije bez šansi, svi su se pojačali i željeli bi da osvoje takmičenje.

SEHA: Da li na utakmice Regionalne lige trebaju dolaziti gostujući navijači?

-Sigurno je da će utakmice Regionalne lige privući dosta gledatelja, što i gostujućih. Naravno, svakoj ekipi je lakše igrati kada ima podršku s tribina.

SEHA: U EHF kupu Izviđač će igrati protiv Vardara. Šta očekujete u tim mečevima?

-Mi smo dobili najtežeg protivnika kojeg nismo željeli, a l ne predajemo se tako lahko. Pokazat ćemo zube Vardaru koji je sastavljen od dosta makedonskih i srpskih reprezentativaca pa ćemo vidjeti ko će na kraju izaći kao pobjednik. Mogu obećati samo da će biti to dobre utakmice.

26 dana do početka Regionalne lige



SEHA

*Posjetite našu novu stranicu:
www.regionalnaliga.weebly.com*

*Na stranici možete naći i
naš radio*

South East Handball Association

Izdavanje ovog broja pomogli su:



HRK IZVIDAČ



DigiteKomunikacije

